

天主降生一千八百四十七年重刊

畸人十篇

司教熱羅尼莫馬

准

序

知識固以考稽而漸開。學業尤須
簡切而易。以。從。來。大。道。燦。然。未。有。不
先其要領。而後其條目者也。粵稽聖
教。諸書載籍浩繁。法而慕焉。幾等
坐。得。之。嘆。揚。其。要。矣。奚。殊。指。掌。之。明。

所慮三仇環繞。八面張羅。倘犯熟諳。
其趨避之才。豫明其切要之義。雖年
齒既高。就難見險。而不備。况在髫齡。
總角之子乎。故凡教子弟者。首須端
其趨向。而歛端其趨向者。惟受養于聖
言而已。爰集是編。句箋字釋。綱舉目

張名曰聖教要理選集。俾披覽者。
因文而義。一目瞭然。不独孩童幼婦宜
奉為蒙養之基。即既冠高年。亦可藉
為立身之本。洵航海之指南。而土白外
之階梯也。要之文既簡而要。詞亦約而
疎。詞者母以淺易而忽之。將見改過

有門自執有幽。始則誦於口。繼則銘
於心。而大本大原之道。可證於而。累窺
其一斑矣。是為序。

畸人十篇序

西秦子浮槎九萬里而來所歷沉沙狂鷗與夫
啖人略人之國不知幾許而不蓄不害孜孜求
友酬應頗繁一介不取又不致乏絕始不肖以
爲異人也覩其不婚不宦寡言飭行日惟是潛
心修德以昭事乎上主以爲是獨行人也復徐

叩之其持議崇正闢邪居恆手不釋卷經目能
 逆順誦精及性命博及象緯與地旁及句股算
 術有中國儒先累世發明未晰者而悉倒囊究
 數一二則以為博聞有道術之人迄今近十年
 而所習之益深所稱妄言妄行妄念之戒消融
 都淨而所修和天和人己之德純粹益精意

期善世而行絕畛畦語無擊排不知者莫測其
倪而知者相悅以解閒商以事往往如其言則
當不如其言則悔而後識其爲至人也至人侔
於天不異於人乃西秦子近所著書十篇與天
主實義相近以行於世顧自命曰畸人其言關
切人道大約淡泊以明志行德以俟命謹言苦

志以禋身絕欲廣愛以通乎天載雖強半先聖
賢所已言而警喻博證令人讀之而迷者醒貪
者廉傲者謙妒者仁悍者悌至於常念死候引
善防惡以祈佑於天主一唱三歎尤爲砭世至
論何畸之與有蓋嘗悲夫死之必於不免且不
能以遲速料也上主之臨汝而不可貳也獲罪

於天莫之禱也惡人齋戒之可以事主也童而
習之智愚共識然而迷謬本原怠忽祗事年富
力強而無志迅奮鐘鳴漏盡而尙諱改圖者眾
也非譚玄以罔生卽佞佛爲超死死可超生可
罔世有是哉人心之病愈劇而救心之藥不得
不瞑眩瞑眩適於德猶是膏梁之適於口也有

知十篇之於德適也不畸也耶

萬曆戊申歲日在箕虎林李之藻盥手謹序



時人十篇序

利先生者出自西國來遊中華余從郡伯
翁公得其書寓目焉作而歎曰此固一新
至是守其所載之道曰自責自省利行為
祥要以薰惡而迪善乃其言不為吾儒併
不為柱下漆園竺軋氏而獨揭天主之教

以為之宗古未之前聞也玉若篇中譚生
死之際出世之法旁引博喻其種種創
獲而其旨附會合雜宛轉闕生無所不入
使人煩讀之而清怒讀之而愉昏倦欲眠
讀之而醒倦念忽消道念潛滋嗚呼寧獨
其言之新奇若是哉抑儒之憂而為柱下

漆園也柱下漆園之復而為竺軋氏也雖
大旨歸於薰惡迪善而共說由實入虛由
近入遠漸墮乎恍惚沆洋不可端倪之域

故賢者借之以融其執滯不肖者亦借之
以濟其跳匿蓋利害各得半焉若本篇者
根極藝則勅人懋繩檢約遠傳也課宏徵

實不可得而影響模稜以閃寄於善惡之
間此吾儒之藩園百世利而多害者也今
朝廷方統一重其矯易邪慝諸有以二氏之
宗標幟啓疆者輒謀可敗是編揆諸功令
以自合符豈可廢而不存哉

國文其人... 宗標幟啓疆者輒謀可敗是編揆諸功令

附溫陵張二水先生贈西秦艾思及先
生詩

昔我遊京師曾逢西秦氏貽我十篇書
名篇畸人以我時方少年未省究生死
徒作文字看有似風過耳及茲既老大
頗知惜餘齒學問無所成深悲年月駛
取書再三讀低徊抽厥旨始知十篇中

篇篇皆妙理九原不可作勝友迺嗣起
著書相羽翼河源互原委孟氏言事天
孔聖言克己誰謂子異邦立言乃一揆
方域豈足論心理同者是詩禮發塚儒
操戈出弟子口誦聖賢言心營錐刀鄙
門牆堂奧間咫尺千萬里

浣城劉胤昌

